

Høyringsuttale om Austrheimskulen i framtida - Skulestruktur 2021

Høyringsinstansar- Årås skule:

Uttale frå alle høyringsinstansar er samordna i denne uttalen.

Leiar av FAU og ein klassekontakt har samanfatta uttalen frå FAU i SU-møte.

Elevrådet: rektor har hatt eige møte med elevrådet.

Innstilling til «Austrheimskulen i framtida – Skulestruktur 2021» og grunnlag for høyring er:

Skulestruktur:

- *Ungdomssteget vert samla ved Årås skule. Det vert lagt opp til ein opptrappingsplan slik at 7.steg ved Kaland skule startar på ungdomssteget ved Årås skule hausten 2021. 10.steg fullfører ungdomsskuleløpet ved Kaland barne- og ungdomsskule.*
Når ein først samlar ungdomsskuleelevane må alt vere klart og tilrettelagt slik at elevane får ein god start. Arbeidet må ikkje berre vere delvis gjort. Ein samla ungdomsskule skal markerast som ei stor hending. Det er òg spørsmål om kva som no skjer med komande 10.klasse på Kaland, ettersom Åsheimlevane skal til Alver frå hausten 2021.
- *Årås skule vert frå skuleåret 2021 Årås barne- og ungdomsskule.*
Høyringsinstansane vil at Årås skule skal heite Årås skule òg etter ei samanslåing av ungdomsstega i kommunen.
- *Inntaksområdet for ungdomssteget i Austrheim vert heile Austrheim kommune. For barnestega vil gjeldande kringsgrenser halde fram. Kringgrenser Kaland skule: Leirvåg/Litlås/Kaland, Fønnes og Bakkøy. I tillegg til interkommunal kringsgrense for Åsheim. Kringgrenser for Årås barnesteg: Njøten/Litlelindås, Leikvoll/Førland, Hopland/Bergsvik/Lerøy, Austrheim, Sætre, Årås, Budal/Toftegård/Ulvøy, Rebnor/Øksnes/Dyrnes og Øyane. Årås ungdomsskule: Heile Austrheim kommune.*

Andre tilrådingar:

- *Det vert innført femdagarsveke for alle elevar i Austrheim frå og med hausten 2021.*
Høyringsinstansane er positive til kortare dagar. Det er bra i forhold til læring og læringskvalitet.

Det er viktig at alle partar vert informerte om praktiske tilhøve i samband med ei slik endring, som kva det vil seie for skyss og SFO, i god tid før ei endring kjem, slik at dei føresette og skulen kan planlegge sin kvardag. Det må òg

kome ei avklaring på frammøte og sluttid kvar dag. Dette gjeld heile barnetrinnet som har skulefrie dagar.

Skyss må samordnast med sluttid for elevane kvar dag i eit femdagars skuletilbod. Det er viktig å vere klar over at klassane på barnetrinnet har ulikt timetal som vil bety ulik sluttid for dei ulike klassane på barnetrinnet i løpet av veka

Det skal etablerast eit tenleg samarbeid med Austrheim vidaregåande skule vedk. arbeidslivsfag, forsering av fag, teknologi etc

Ein vil gjerne ha eit tilbod i samarbeid med AVS om fleire språkfag, arbeidslivsfag og hospitering i fag. Det er viktig å understreke at dette samarbeidet ikkje må gå på bekostning av den daglege drifta på Årås skule, eller dei behova dei har no.

Skulebygg:

Prinsippa i rapporten vert lagt til grunn som skulebruksplan for framtidig skulebygg. - Skulane vert sett i stand i tråd med tilrådinga i rapporten til Norconsult.

For Årås skule må det setjast av midlar i tråd med investeringsbehova:

øg

Nybygg:

I staden for eit rom på 75m² og eit på 45m², vil høyringsinstansane ha 2 rom på 60m² i nybygget på ungdomsskulen.

Ein vil ikkje ha ei løysing med skiljevegg, dør eller vindu mellom romma, men ein fastvegg.

Behov for utbetringar i eksisterande bygg:

- Garderobane i blokkene er for små, særleg i A-blokka. regnkle heng saman med andre klede og byttekorgene er monterte for høgt på veggen.
- Ta tilbake dei tidlegare grupperomma som er i klasseromma i A-blokka, slik at ein kan ha eit avgrensa arbeidsrom til dei elevane som treng det i løpet av dagen.
- Kle inn hemsene i A-blokka med glas og lydisolere golvet.
- Fleire vaskar både i klasserom og garderobar i alle blokkene med bakgrunn i dei erfaringane vi har gjort med covid-19 og generelle smittevernsomsyn.
- Ein tenker at dei hygienetiltaka som no er rutine vert vidareførte. Det er ønskjeleg med lange vaskar, slik at det plass til fleire om gongen.
- Elevane er tydelege på at dei ønskjer å behalde datarommet som Norconsult har foreslått som musikkrom.

- Det er nok lærerarbeidsplassar i eksisterande areal på Årås skule. Ein vil derfor behalde møterommet som D-teamet nyttar no som møterom.
- Kan ein bruke det opphavelige musikkrommet som musikkrom? Er veggane lydisolerte? Dersom ein vel dette òg beheld datarommet, treng skulen eit ekstra klasserom.
- Dersom ein går vidare med planane om å ominnreie eksisterande datarom til musikkrom må veggane på begge sider av team D sitt kontor lydisolerast.
- Det er ønskeleg å bruke det som i dag er lager og plassering av keramikkvovn til undervsningslokale for kunst & handverk.
- På grunn av at Årås skule har få grupperom, er det ønskeleg at alle klasserom får heile vegger, i staden for bokhyller og at ein innreier veggane i landskapa i C- og D-blokka med arbeidsnisjar utstyrte med lys og kontaktpunkt.
- Fjerne alle benkar/skuffar i alle klasserom i alle blokkene. Dei er ikkje formålstenlege og tek mykje plass i romma.
- Få mobile skiljeveggar i landskapa
- Skulen må malast innvendig etter ein gjennomgåande plan, slik at resultatet er stilreint.
- Alle rom treng nye gardiner som er lystette og solskjerming.

Dette treng Årås skule av utstyr:

- Læremiddel
- Utskifting av stoler og pulter.
- Digitalt utstyr til alle elever.

Andre investeringar

- Golv og lysarmatur
- Stolar og pultar
- Oppgradering av uteområdet.

Uteområdet:

Rektor har hatt møte med elevrådet som har ei utførleg liste over kva dei ønskjer seg. Det må lagast ei prioriteringsliste når vi kan søkje om spelemidlar.

Parkering:

Parkeringsplassen ved Austrheim hallen må merkast, slik at det er klart kor ein kan parkere. erking og kjøyreretning.

Det skal utarbeidast ein vedlikehaldsplan for ein 10 årsperiode som sikrar gode skulebygg og vedlikehaldsetterslep.

Det er svært viktig at dette arbeidet vert sett i gang snarast mogleg.

Bodil Boie Brekkan, rektor Årås skule

-

-

-